



МОНГОЛ УЛСЫН ИХ СУРГУУЛИЙН  
ЗАХИРЛЫН ТУШААЛ

2019 оны 09 сарын 05 өдөр

Дугаар А/138

Улаанбаатар хот

Бакалаврын өдрийн хөтөлбөрт 2019 онд  
оюутан элсүүлэх журам батлах тухай

Дээд боловсролын тухай хуулийн 11.3, 12.1.4, БШУ-ны сайдын 2013 оны А/79 дүгээр тушаалаар батлагдсан Оюутан элсүүлэх журмын 1.2, МУИС-ийн Дүрмийн 4.3.8.4, 6.4 дэх заалт, МУИС-ийн Захиргааны зөвлөлийн 2019 оны 03 дугаар сарын 19-ний өдрийн хурлын тэмдэглэлийг үндэслэн ТУШААХ нь:

1.“Монгол Улсын их сургуулийн бакалаврын өдрийн хөтөлбөрт 2019 онд оюутан элсүүлэх журам”-ыг хавсралтаар баталсугай.

2.Энэ тушаал гарсантай холбогдуулан элсэлтийн бодлого, журам сурталчлах, таниулах ажлыг зохион байгуулахыг Элсэлт, бүртгэлийн хэлтэс (М.Итгэл), Мэдээллийн технологийн газар (А.Баатарбилэг) нарт үүрэг болгосугай.

3.Оюутан элсүүлэх ажлыг энэхүү журмын дагуу зохион байгуулах, үр дүнд нь хяналт тавьж ажиллахыг Сургалт, оюутан хариуцсан дэд захирал (Б.Очирхуяг), Мэдээллийн технологийн газар (А.Баатарбилэг), Бизнесийн сургуулийн захирал (Ч.Энхбаяр), Олон улсын харилцаа, нийтийн удирдлагын сургуулийн захирал (С.Баттулга), Хууль зүйн сургуулийн захирал (Ж.Эрдэнэбулган), Хэрэглээний шинжлэх ухаан, инженерчлэлийн сургуулийн захирал (Н.Баатарбилэг), Шинжлэх ухааны сургуулийн захирал (Д.Заяабаатар), Завхан сургуулийн захирал (П.Оюунбилэг), Эрдэнэт сургуулийн захирал (Т.Энх-Амгалан) нарт үүрэг болгосугай.

4.Захирлын 2018 оны 04 дүгээр сарын 09-ний өдрийн А/105 дугаар тушаалын хавсралтаар батлагдсан “Монгол Улсын их сургуулийн бакалаврын өдрийн хөтөлбөрт 2018 онд оюутан элсүүлэх журам”-ыг хүчингүй болсонд тооцсугай.

ЗАХИРЛЫН ҮҮРЭГ  
ГҮЙЦЭТГЭГЧ



Я.ТӨМӨРБААТАР

My document Tushaal 2019

20190948

Захирлын 2019 оны 04 дугаар сарын 05-ны  
өдрийн 1138 дугаар тушаалын хавсралт



## МОНГОЛ УЛСЫН ИХ СУРГУУЛИЙН БАКАЛАВРЫН ӨДРИЙН ХӨТӨЛБӨРТ 2019 ОНД ОЮУТАН ЭЛСҮҮЛЭХ ЖУРАМ

### НЭГ. ЕРӨНХИЙ ЗҮЙЛ

1.1. Монгол Улсын Их Сургууль (цаашид МУИС гэнэ)-ийн бакалаврын өдрийн хөтөлбөрт 2019 онд оюутан элсүүлэхэд Монгол Улсын "Дээд боловсролын тухай хууль", Боловсрол, шинжлэх ухааны сайдын 2013 оны 03 дугаар сарын 18-ны А/79 тоот тушаалаар батлагдсан "Оюутан элсүүлэх журам", бусад холбогдох эрх зүйн акт болон энэхүү журам (цаашид журам гэнэ)-ыг баримтална.

1.2. МУИС-ийн бакалаврын өдрийн хөтөлбөрт элсэхээр хүсэлт гаргасан иргэнийг "бүртгүүлэгч", элсүүлэх оюутны тоог "хяналтын тоо", хяналтын тоонд багтан элсэх эрхээ баталгаажуулсан бүртгүүлэгчийг "элсэгч", элсэлтийн цахим бүртгэлийн системийг "элсэлтийн систем", элсэлтийн үйл ажиллагааг зохион байгуулахаар томилогдсон ажлын хэсгийг "элсэлтийн комисс" гэнэ.

1.3. МУИС-ийн бакалаврын өдрийн хөтөлбөрт Улаанбаатар хот болон орон нутгаас элсүүлэх элсэгчийн хяналтын тоог Удирдах зөвлөл тогтооно.

1.4. Элсэлтийн журам, бүрэлдэхүүн сургуульд элсэх хөтөлбөр, элсэлтийн ерөнхий шалгалт (ЭЕШ)-ын оноо тооцох болон холбогдох бусад мэдээллийг <https://burtgel.num.edu.mn> цахим хуудсанд байршуулна.

1.5. МУИС-д гадаадын харьяат иргэдийг элсүүлэх асуудлыг "МУИС-д гадаадын иргэнийг суралцуулах журам"-аар зохицуулна.

1.6. Бакалаврын зэрэгтэй иргэн бакалаврын өдрийн хөтөлбөрт элсэх бол энэхүү журмын 3.1, 3.2, 3.3, 3.4 дэх заалтыг хангасан байна.

### ХОЁР. ЭЛСЭЛТИЙН КОМИСС

2.1. МУИС-ийн элсэлтийн комиссын дарга нь Сургалт, оюутан хариуцсан дэд захирал, нарийн бичгийн дарга нь Элсэлт, бүртгэлийн хэлтсийн дарга, гишүүд нь Мэдээллийн технологийн газрын дарга, Бүрэлдэхүүн сургуулийн захирал, Санхүү, төлөвлөлтийн газрын дарга, Элсэлт, бүртгэлийн хэлтсийн элсэлт хариуцсан мэргэжилтнүүд байх ба МУИС-ийн захирлын тушаалаар томилно.

2.2. Комиссын дарга элсэлтийн ажлыг удирдлагаар хангаж, комиссын гишүүд элсэлтийн явцад хяналт тавих, тухайн журмаар зохицуулагдахгүй асуудлыг комиссын хурлаар хэлэлцэж, холбогдох дүрэм журамд нийцүүлэн шийдвэрлэх болон элсэлттэй холбоотой бусад үйл ажиллагааг зохицуулна.

### ГУРАВ. БҮРТГҮҮЛЭГЧДЭД ТАВИХ ШААРДЛАГА

3.1. МУИС-д элсэхийг хүссэн иргэд энэхүү журамтай танилцаж, элсэлтийн цахим бүртгэлийн системд бүртгүүлнэ.

3.2. Бүртгүүлэгч нь БСШУСЯ-ны Боловсролын үнэлгээний төв (БҮТ)-өөс зохион байгуулдаг элсэлтийн ерөнхий шалгалт (ЭЕШ) өгсөн хот, орон нутагтаа өрсөлдөнө.

3.3. Бүртгүүлэгч нь МУИС-ийн Шинжлэх ухааны сургууль (ШУС), Хэрэглээний шинжлэх ухаан, инженерчлэлийн сургууль (ХШУИС), Бизнесийн сургууль, Хууль зүйн сургууль, Олон улсын харилцаа, нийтийн удирдлагын сургууль (ОУХНУС), Эрдэнэт сургууль, Завхан сургуулиас сонгож бүртгүүлнэ. Шинжлэх ухааны сургуулийн хувьд Байгалийн ухаан, Нийгмийн ухаан, Хүмүүнлэгийн ухааны салбараас сонгож бүртгүүлнэ. Бүртгүүлэгч өөрийн хүсэлтээр хэдэн ч сургуульд бүртгүүлж болно.

3.4. Бүртгүүлэгч нь Боловсролын үнэлгээний төв (БҮТ)-ийн хүчинтэй батламжтай, эсвэл 2019 онд ЭЕШ өгөхөөр БҮТ-д бүртгүүлсэн байна. Бүртгүүлэгч нь МУИС-ийн оюутан бол бүртгүүлэх боломжгүй.

3.5. Гадаад оронд ерөнхий боловсрол эзэмшсэн Монгол улсын иргэн БСШУЯ-ны 2013 оны 03 дугаар сарын 18-ны А/79 тоот тушаалаар баталсан "Оюутан элсүүлэх журам"-ын 7.1.4-д заасныг баримтална.

#### ДӨРӨВ. ЭЛСЭХ ХҮСЭЛТ ГАРГАХ

4.1. МУИС-д элсэхийг хүссэн иргэд орон даяар, цахим хэлбэрээр <https://burtgel.num.edu.mn> хаягаар бүртгүүлнэ.

4.2. Бүртгэлийг 2019 онь 06 дугаар сарын 17-ны өдрийн 09:00 цагт нээж 06 дугаар сарын 24-ний өдрийн 12:00 цагт хаана.

4.3. Бүртгүүлэгч нь элсэлтийн системд БҮТ-ийн системд бүртгүүлсэн бүртгэлийн дугаар, нууц үгээ ашиглан нэвтэрнэ. Системд шаардлагатай мэдээллээ үнэн зөв оруулан баталгаажуулна.

4.4. Бүртгүүлэгч нь элсэлтийн системд оруулсан мэдээллийн үнэн зөв байдлыг өөрөө хариуцах ба алдаатай, буруу мэдээлэл оруулснаас үүсэх асуудлыг МУИС хариуцахгүй.

4.5. Элсэлтийн системд нэвтрэх эрхтэй болсны дараа элсэх хүсэлт гаргах бүрэлдэхүүн/салбар сургуулиа (Журмын хүснэгт 1-ээс үзнэ) сонгон бүртгэлийн хураамжийг цахим хэлбэрээр төлж баталгаажуулна. (Төлбөр төлөх тухай дэлгэрэнгүй зөвлөмжийг элсэлтийн системээс үзнэ).

4.6. Бүртгэлийн хураамжийг нэг удаа төлж хэдэн ч бүрэлдэхүүн/салбар сургуульд бүртгүүлэх боломжтой. Бүртгэлийн хураамжийг Удирдах зөвлөлөөс баталсан "Үйлчилгээний бусад хураамжийн хэмжээ"-д заасны дагуу авна. Бүртгэлийн хураамжийг буцаан олгохгүй.

#### ТАВ. ЭЛСЭГЧИЙГ ШАЛГАРУУЛАХ

5.1. Элсэлтийн бүртгэл хааснаас 1 өдрийн дараа системд бүртгүүлэгчийн ЭЕШ-ын дүн, мэдээллийг БҮТ-өөс татан авч, холбогдох тооцооллыг хийн онооны жагсаалтыг бүрэлдэхүүн/салбар сургуулиар гаргана.

5.2. Бүртгүүлэгчийн оноог дараах байдлаар тооцно. "Суурь" шалгалтад тооцохоор заасан хичээлээс хамгийн өндөр оноо авсан шалгалтын оноог 0.7, "Дагалдах" шалгалтад тооцохоор заасан хичээлээс мөн хамгийн өндөр оноо авсан

шалгалтын оноог 0.3 -аар үржүүлж нэмсэн нийлбэрээр тооцоолсон оноог бодно. Ийнхүү тооцох “Суурь” болон “Дагалдах” шалгалтын оноо тус бүр БСШУСЯ-наас баталсан босго онооноос багагүй байна. Суурь шалгалтад тооцуулсан хичээлийн оноог дагалдах шалгалтад давхар тооцуулахгүй.

5.3. Оноо тэнцсэн тохиолдолд ЭЕШ-ын гүйцэтгэлийн хувийг тооцон байр эзлүүлж, элсэх эрх олгох ба гүйцэтгэлийн хувь тэнцвэл боловсролын гэрчилгээний дундаж оноог харгалзана. ЭЕШ-ын гүйцэтгэлийн хувийг тооцохдоо 5.2-т заасан аргачлалын дагуу тооцно.

5.4. Бүртгүүлэгч дараах шаардлагыг хангаж байвал шилдэг элсэгч гэж үзэн олимпиад, Кембрижийн олон улсын шалгалт, спортын тэмцээн зохион байгуулах комиссоос олгосон батламж, сертификат болон баримт бичигт үндэслэн хяналтын тоонд багтаан элсүүлнэ. Үүнд:

5.4.1. Сүүлийн 2 жилийн дотор БСШУСЯ-аас тогтоосон Олон улсын олимпиадад оролцож 1-ээс 3-р байр эзэлсэн, Улсын олимпиадад оролцож Хүснэгт 2-т заасан нөхцөлийг хангасан ерөнхий боловсролын сургуулийн төгсөгчийг тухайн чиглэлээр шууд элсүүлнэ.

5.4.2. Кембрижийн олон улсын AS (A) түвшний шалгалтын b (B) -ээс дээш оноотой бүртгүүлэгчдийг сургууль бүрт шалгалт өгсөн чиглэлээр нь онооны дарааллаар жагсаан, эхний 3 байр эзэлснийг шууд элсүүлнэ.

5.4.3. Спортын өндөр ур чадвартай бүртгүүлэгчдээс комисс 5 хүртэлх бүртгүүлэгчийг шалгаруулан гэрээ байгуулж БУС, ХШУИС-д элсүүлж болно. (Олимп, тив, дэлхийн тэмцээнээс медальт болон шагналт байранд шалгарсан, улсын өсвөр үеийн, улсын идэрчүүдийн аварга шалгаруулах тэмцээнд медальт байранд шалгарсан)

5.5. Шилдэг элсэгч нь тухайн бүрэлдэхүүн/салбар сургуулийн суурь болон дагалдах шалгалтад тооцохоор заасан хичээлүүдээс ЭЕШ өгсөн байх ба БСШУСЯ-наас тавих ЭЕШ-ын босго оноог хангасан байна.

5.6. МУИС-ийн Байгаль эх лицей сургуулийн төгсөгчийг тухайн бүрэлдэхүүн/салбар сургуулийн суурь болон дагалдах шалгалтад тооцохоор заасан хичээлүүдээс ЭЕШ өгч, БСШУСЯ-ны онооны босго хангасан бол ШУС, ХШУИС-д шууд элсүүлнэ.

5.7. Дээрх нөхцөлийг хангасан бүртгүүлэгч “Олимпиад”, “Кембриж”, “Спортын ур чадвар”, “Байгаль эх лицей” гэсэн ангиллаас сонгон бүртгүүлж, журмын 4.5-д заасан бүртгэлийн хураамж төлнө.

## ЗУРГАА. ЭЛСЭХ ЭРХ ОЛГОХ

6.1. Элсэх эрх олгох үйл ажиллагааг орон даяар цахим хэлбэрээр <https://burtgel.num.edu.mn> хаягаар явуулна.

6.2. Бүртгүүлэгч хяналтын тоонд багтсан эсэхээ онооны жагсаалт гарсны дараа элсэлтийн системд нэвтэрч шалгана.

6.3. Шилдэг элсэгч болон Байгаль эх лицей сургуулийг төгссөн бүртгүүлэгч нь тухайн нөхцөл хангасныг гэрчлэх бичиг баримтын эх хувийг бүртгэлийн хугацаанд ажлын цагаар Элсэлт, бүртгэлийн хэлтэст авчирч бүртгүүлэн заасан хугацаанд элсэх бүрэлдэхүүн/салбар сургуулийн ерөнхий суурь хөтөлбөрийн 1 багц цагийн төлбөрийг төлж элсэх эрхээ баталгаажуулна.

6.4. Элсэх эрх олгох үйл ажиллагааг бүртгэл хааснаас хойш 10 хоногт багтаан зохион байгуулна.

6.5. Хэд хэдэн бүрэлдэхүүн/салбар сургуулийн хяналтын тоонд багтсан элсэгч нь зөвхөн нэг бүрэлдэхүүн/салбар сургууль сонгох ба бусад бүрэлдэхүүн/салбар сургуулийн хяналтын тооны жагсаалтаас нэр нь хасагдаж босго шугам нэгээр доошилно. Босго шугам доошилсны дүнд хяналтын тоонд багтсан дараагийн бүртгүүлэгчид элсэх эрх үүснэ.

6.6. Бүртгүүлэгч хяналтын тоонд багтаж элсэх эрхтэй болсноос хойш 24<sup>1</sup> цагийн дотор элсэх эрхээ баталгаажуулна. Энэ хугацаанд баталгаажуулаагүй тохиолдолд МУИС-д элсэхээс татгалзсан гэж үзэн жагсаалтын дараах бүртгүүлэгчид элсэх эрхийг шилжүүлнэ.

6.7. Хяналтын тоонд багтсан бүртгүүлэгч журмын 6.6-д заасан хугацаанд элсэлтийн системд нэвтэрч элсэх гэж буй бүрэлдэхүүн/салбар сургуулийн ерөнхий суурь хөтөлбөрийн 1 багц цагийн төлбөрийг төлж элсэх эрхээ баталгаажуулна.

6.8. Элсэх эрхээ баталгаажуулсан төлбөрийг суралцагчийн сургалтын төлбөрт тооцно. Элсэх эрхээ цуцлах тохиолдолд төлбөрийг буцаан олгохгүй<sup>2</sup>.

## ДОЛОО. ЭЛСЭГЧИЙГ БҮРТГЭХ

7.1. Элсэгч нь 2019 оны 08 дугаар сарын 12-23-ны хооронд ажлын цагаар Элсэлт, бүртгэлийн хэлтэст өөрийн биеэр ирж бүртгүүлнэ. Бүртгүүлэхээс өмнө <https://burtgel.num.edu.mn> цахим хуудсанд нэвтэрч бүртгэлийн цахим маягт бөглөж, дараах бичиг баримтыг бүрдүүлэн ирнэ. Үүнд:

- “МУИС-д суралцагч суралцуулах гэрээ”-г элсэлтийн системээс татан авч, ар өвөргүй хэвлэнэ.
- Иргэний үнэмлэх эсвэл түүнтэй адилтгах баримт бичиг эх хувь (төрсний гэрчилгээ, гадаад паспорт), хуулбарын хамт (ар, өвөр талыг нэг нүүрт багтаах);
- Бүрэн дунд боловсролын гэрчилгээ эх хувь, хуулбарын хамт (ар, өвөргүй багтаан хувилсан байх, хэрэв түүнээс дээш шатны боловсрол эзэмшсэн бол гэрчлэх баримт бичгийн эх хувь, хуулбарын хамт авчрах);
- ЭЭШ-ын батламж эх хувь, хуулбарын хамт;
- Цээж зураг 2 хувь, оюутны үнэмлэхний шаардлагад нийцсэн цээж зураг файл хэлбэрээр (сүүлийн 3 сард авхуулсан) эдгээр бичиг баримтыг битүүмжлэл сайтай хавтсанд хийсэн байна.

## НАЙМ. ЭЛСЭГЧДЭД ҮЗҮҮЛЭХ ХӨНГӨЛӨЛТ

8.1. Суурь шалгалтад тооцуулсан ЭЭШ нь 750-аас дээш оноотой Шинжлэх ухааны сургуулийн Байгалийн ухааны салбар, Хэрэглээний шинжлэх ухаан, инженерчлэлийн сургууль тус бүрийн эхний 25 элсэгчийн эхний хичээлийн жилийн сургалтын төлбөрийг 50 хувь хөнгөлнө<sup>3</sup>.

<sup>1</sup> Комиссын шийдвэрээр эрх баталгаажуулах хугацааг өөрчилж болно.

<sup>2</sup> Хуваарь буцааснаар дараагийн бүртгүүлэгч хуваарь авч чадахгүйд хүрч, эрх ашиг нь хөндөгддөг тул хариуцлагатай сонголт хийлгэх үүднээс урьдчилж төлүүлдэг.

<sup>3</sup> Хичээлийн жилийн нэг улиралд суралцагчид олгох мөнгөн дүнгийн хэмжээ тухайн хөтөлбөрийн 15 багц цагийн сургалтын төлбөрөөс илүүгүй байна.

8.2. МУИС-ийн Байгаль эх лицей сургуулийн төгсөгч нь суурь шалгалтад тооцуулсан ЭЕШ нь 650 болон түүнээс дээш оноо авч Шинжлэх ухааны сургуулийн Байгалийн ухааны салбар, Хэрэглээний шинжлэх ухаан, инженерчлэлийн сургуульд элссэн бол эхний хичээлийн жилийн сургалтын төлбөрийг 50 хувь хөнгөлнө.<sup>3</sup>

8.3. БСШУСЯ-наас тогтоосон Олон улсын олимпиадад оролцож 1-ээс 3-р байр эзэлсэн элсэгчийн эхний хичээлийн жилийн сургалтын төлбөрийг 100 хувь хөнгөлнө.<sup>3</sup>


8.4. Улсын олимпиадад оролцсон элсэгчийн эхний хичээлийн жилийн сургалтын төлбөрийг 1-р байрт шалгарсан бол 100 хувь, 2-р байрт шалгарсан бол 75 хувь, 3-р байрт шалгарсан бол 50 хувь хөнгөлнө.<sup>3</sup>

8.5. Элсэгчийн 8.1, 8.2, 8.3, 8.4 дэх хөнгөлөлт давхардсан тохиолдолд аль нэгийг нь сонгоно.

Бүрэлдэхүүн/салбар сургуулийн харгалзах суурь болон дагалдах шалгалт, сонгох боломжтой хөтөлбөрийн жагсаалт

БҮРЭЛДЭХҮҮН /САЛБАР СУРГУУЛЬ	ЭЛСЭЛТИЙН ЕРӨНХИЙ ШАЛГАЛТ		СОНГОХ БОЛОМЖТОЙ БАКАЛАВРЫН ҮНДСЭН МЭРГЭЖЛИЙН ХӨТӨЛБӨР
	"Суурь" шалгалт (70%)	"Дагалдах" шалгалт (30%)	
ШИНЖЛЭХ УХААНЫ СУРГУУЛИЙН БАЙГАЛИЙН УХААНЫ САЛБАР	<ul style="list-style-type: none"> <li>• Биологи</li> <li>• Газар зүй</li> <li>• Математик</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• физик</li> <li>• Хими</li> </ul>	<ul style="list-style-type: none"> <li>• Аялал жуулчлал</li> <li>• Багш, байгалийн ухааны боловсрол (Биологи, Газар зүй, Физик, Хими)</li> <li>• Багш, математикийн боловсрол</li> <li>• Байгаль орчныг зайнаас тандан судлал</li> <li>• Биологи</li> <li>• Биологийн нөөцийн менежмент</li> <li>• Биохими</li> <li>• Биотехнологи</li> <li>• Газар зохион байгуулалт (<i>Төлөвлөлт, кадастр</i>)</li> <li>• Газарзүй</li> <li>• Геологи</li> <li>• Геофизик</li> <li>• Математик</li> <li>• Физик</li> <li>• Хими</li> <li>• Хот ба бүс нутгийн төлөвлөлт</li> <li>• Экологи</li> </ul>
ШИНЖЛЭХ УХААНЫ СУРГУУЛИЙН НИЙГМИЙН УХААНЫ САЛБАР	<ul style="list-style-type: none"> <li>• Математик</li> <li>• Монголын түүх</li> <li>• Нийгмийн тухай мэдлэг</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Антропологи</li> <li>• Археологи</li> <li>• Нийгмийн ажил</li> <li>• Социологи</li> <li>• Сэтгүүлзүй</li> <li>• Сэтгэл судлал</li> <li>• Улс төр судлал</li> <li>• Эдийн засаг</li> </ul>
ШИНЖЛЭХ УХААНЫ СУРГУУЛИЙН ХҮМҮҮНЛЭГИЙН УХААНЫ САЛБАР	<ul style="list-style-type: none"> <li>• Англи хэл</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Орос хэл</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газарзүй</li> <li>• Математик</li> <li>• Монгол хэл</li> <li>• Монголын түүх</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Багш, гадаад хэлний боловсрол (Англи, Орос)</li> <li>• Багш, монгол хэл- уран зохиолын боловсрол</li> <li>• Багш, нийгмийн ухааны боловсрол</li> <li>• Гадаад хэл, орон судлал (Араб, Америк, Испани, Итали, Их британи, Польш, Солонгос, Турк, Франц, Хятад, Чех, Япон)</li> <li>• Гадаад хэлний орчуулга (Англи, Араб, Герман, Орос, Солонгос, Турк, Франц, Хятад, Япон)</li> <li>• Түүх</li> <li>• Урлаг судлал</li> <li>• Утга зохиол судлал</li> <li>• Философи</li> <li>• Хэл, уран зохиол (Монгол)</li> <li>• Хэл шинжлэл (Монгол, Герман, Орос, Хятад, Япон)</li> <li>• Шашин судлал</li> </ul>

ШИНЖЛЭХ УХААНЫ СУРГУУЛИЙН ХҮМҮҮНЛЭГИЙН УХААНЫ САЛБАР /Орос хэлний бэлтгэл хөтөлбөр/	<ul style="list-style-type: none"> <li>• Орос хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Орос хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Орос хэлний бэлтгэл хөтөлбөр /ОХУ-ын их, дээд сургуульд элсэх хэлний бэлтгэлийг хангах зорилготой, нэг жилийн хөтөлбөр/</li> </ul>
ХЭРЭГЛЭЭНИЙ ШИНЖЛЭХ УХААН, ИНЖЕНЕРЧЛЭЛ- ИЙН СУРГУУЛЬ	<ul style="list-style-type: none"> <li>• Биологи</li> <li>• Математик</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Байгаль орчныг хамгаалах технологи</li> <li>• Био-инженерчлэл</li> <li>• Компьютерийн сүлжээ</li> <li>• Компьютерийн ухаан</li> <li>• Материал судлал</li> <li>• Мэдээллийн систем</li> <li>• Мэдээллийн технологи</li> <li>• Нано шинжлэх ухаан, инженерчлэл</li> <li>• Ойн аж ахуй</li> <li>• Програм хангамж</li> <li>• Статистик</li> <li>• Сүлжээний технологи</li> <li>• Сэргээгдэх эрчим хүч</li> <li>• Ус судлал</li> <li>• Уур амьсгал судлал</li> <li>• Химийн инженерчлэл</li> <li>• Хүрээлэн буй орчин судлал</li> <li>• Хүрээлэн буй орчны инженер</li> <li>• Хэрэглээний математик</li> <li>• Хэрэглээний хими</li> <li>• Цаг уур</li> <li>• Электроник</li> <li>• Цөмийн инженерчлэл</li> </ul>
ХЭРЭГЛЭЭНИЙ ШИНЖЛЭХ УХААН, ИНЖЕНЕРЧЛЭЛ- ИЙН СУРГУУЛЬ /2+2 хөтөлбөр/	<ul style="list-style-type: none"> <li>• Биологи</li> <li>• Математик</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монгол хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Ойн аж ахуй**</li> <li>• Хүрээлэн буй орчин судлал**</li> <li>/Эрдэнэт сургууль болон ХШУИС-ийн дотоодын хамтарсан хөтөлбөр/</li> </ul>
БИЗНЕСИЙН СУРГУУЛЬ	<ul style="list-style-type: none"> <li>• Математик</li> </ul>	<ul style="list-style-type: none"> <li>• Англи хэл</li> <li>• Нийгмийн тухай мэдлэг</li> <li>• Орос хэл</li> </ul>	<ul style="list-style-type: none"> <li>• Аялал жуулчлалын менежемент</li> <li>• Банк</li> <li>• Даатгал</li> <li>• Маркетинг</li> <li>• Менежмент</li> <li>• Нягтлан бодох бүртгэл</li> <li>• Санхүү</li> <li>• Худалдаа</li> </ul>
ХУУЛЬ ЗҮЙН СУРГУУЛЬ	<ul style="list-style-type: none"> <li>• Нийгмийн тухай мэдлэг</li> </ul>	<ul style="list-style-type: none"> <li>• Математик</li> </ul>	<ul style="list-style-type: none"> <li>• Эрх зүй</li> </ul>
ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛЬ	<ul style="list-style-type: none"> <li>• Англи хэл</li> <li>• Монголын түүх</li> <li>• Орос хэл</li> </ul>	<ul style="list-style-type: none"> <li>• Математик</li> <li>• Монгол хэл</li> <li>• Нийгмийн тухай мэдлэг</li> </ul>	<ul style="list-style-type: none"> <li>• Олон улсын харилцаа</li> <li>• Төрийн удирдлага</li> </ul>
ОЛОН УЛСЫН ХАРИЛЦАА, НИЙТИЙН УДИРДЛАГЫН СУРГУУЛЬ	<ul style="list-style-type: none"> <li>• Англи хэл</li> <li>• Монголын түүх</li> <li>• Орос хэл</li> </ul>	<ul style="list-style-type: none"> <li>• Математик</li> <li>• Монгол хэл</li> <li>• Нийгмийн тухай мэдлэг</li> </ul>	<ul style="list-style-type: none"> <li>• Олон улсын харилцаа**</li> <li>/Эрдэнэт сургууль болон ОУХНУС-ийн дотоодын хамтарсан хөтөлбөр/</li> </ul>





/2+2 хөтөлбөр/  ЗАВХАН СУРГУУЛЬ	<ul style="list-style-type: none"> <li>• Англи хэл</li> <li>• Математик</li> <li>• Монгол хэл</li> <li>• Нийгмийн тухай мэдлэг</li> <li>• Физик</li> <li>• Хими</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Монгол хэл</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Банк</li> <li>• Маркетинг</li> <li>• Менежмент</li> <li>• Нягтлан бодох бүртгэл</li> <li>• Санхүү</li> <li>• Худалдаа</li> </ul> <div style="border: 1px solid red; padding: 5px; text-align: center;"> <p style="color: red; font-size: small;">1117144746 УХД0072 9104399</p> </div>
ЭРДЭНЭТ СУРГУУЛЬ	<ul style="list-style-type: none"> <li>• Англи хэл</li> <li>• Орос хэл</li> <li>• Монгол хэл</li> <li>• Математик</li> </ul>	<ul style="list-style-type: none"> <li>• Англи хэл</li> <li>• Биологи</li> <li>• Газар зүй</li> <li>• Математик</li> <li>• Монголын түүх</li> <li>• Монгол хэл</li> <li>• Нийгмийн тухай мэдлэг</li> <li>• Орос хэл</li> <li>• Физик</li> <li>• Хими</li> </ul>	<ul style="list-style-type: none"> <li>• Багш, гадаад хэлний боловсрол (Англи)</li> <li>• Багш, монгол хэл-уран зохиолын боловсрол</li> <li>• Банк</li> <li>• Гадаад хэлний орчуулга</li> <li>• Даатгал</li> <li>• Маркетинг</li> <li>• Менежмент</li> <li>• Нягтлан бодох бүртгэл</li> <li>• Санхүү</li> </ul>

**Тайлбар:**

\*БСШУСЯ-ны зөвшөөрөлтэй орос хэлээр явагдах 5 чиглэлийн /Байгалийн ухаан, Инженер-техник, технологи, Эдийн засаг, Хүмүүнлэг-хэл, уран зохиол, Хүмүүнлэг-түүх, нийгэм/ тусгай хөтөлбөр. Элсэгч нь хавар ОХУ-ын их, дээд сургуульд элсэх уралдаант шалгалт өгөх бөгөөд тэнцээгүй тохиолдолд МУИС-ийн ШУС-ийн Хүмүүнлэгийн ухааны салбарын ерөнхий суурь /1-р түвшин/-д суралцана. Суралцагчийн бүрэн дунд боловсролын гэрчилгээнд "D" үнэлэгдсэн хичээл байхгүй, "C" үнэлгээтэй хичээл 2-оос илүүгүй байх. Мөн суралцах чиглэл (Байгаль, Нийгэм, Хүмүүнлэгийн ухааны хичээл)-ээр "C" үнэлгээгүй байх тус тус шаардлагатай.

\*\*ОУХНУС-ийн "Олон улсын харилцаа" хөтөлбөр, \*\*ХШУИС-ийн "Ойн аж ахуй, Хүрээлэн буй орчин судлал" хөтөлбөрт элсэж, тус сургуулийн "Ерөнхий суурь хичээл"-ийг бүрэн, зарим "Мэргэжлийн суурь" хичээлийг Эрдэнэт сургуульд /Орхон аймагт суралцана/ эхний хоёр жил суралцан амжилттай судалж, бусад мэргэжлийн хичээлүүдийг ОУХНУС, ХШУИС-д /Улаанбаатар хотод суралцана/ сүүлийн хоёр жилд суралцан төгсөх хөтөлбөр бөгөөд энэхүү хөтөлбөрийг хоёр сургуулийн хамтын ажиллагааны гэрээний хүрээнд 2018-2019 оны хичээлийн жилээс шинээр хэрэгжүүлж байна.

Олимпиадын нөхцөлөөр элсүүлэх

Хүснэгт 2  
1117144746  
УХД0072 9104399

№	Бүрэлдэхүүн сургууль/салбар	Олимпиадын чиглэл	Элсүүлэх нөхцөл
1	Шинжлэх ухааны сургууль- Байгалийн ухааны салбар	<ul style="list-style-type: none"> <li>• Биологи</li> <li>• Газарзүй</li> <li>• Математик</li> <li>• Физик</li> <li>• Хими</li> </ul>	Оролцогч
2	Шинжлэх ухааны сургууль-Нийгмийн ухааны салбар	<ul style="list-style-type: none"> <li>• Математик</li> <li>• Нийгмийн Ухаан</li> <li>• Түүх</li> </ul>	1-ээс 3-р байр
3	Шинжлэх ухааны сургууль- Хүмүүнлэгийн ухааны салбар	<ul style="list-style-type: none"> <li>• Англи хэл</li> <li>• Монгол хэл</li> <li>• Орос хэл</li> <li>• Түүх</li> <li>• Хятад хэл</li> <li>• Монголын сайхан бичигтэн<sup>4</sup></li> </ul>	1-ээс 3-р байр
4	Хэрэглээний шинжлэх ухаан, инженерчлэлийн сургууль	<ul style="list-style-type: none"> <li>• Биологи</li> <li>• Газарзүй</li> <li>• Математик</li> <li>• Физик</li> <li>• Хими</li> <li>• Мэдээлэл зүй</li> <li>• Техник технологи</li> </ul>	Оролцогч
5	Бизнесийн сургууль	<ul style="list-style-type: none"> <li>• Математик</li> <li>• Сэтгэх чадвар</li> </ul>	1-ээс 3-р байр
6	Олон улсын харилцаа, нийтийн удирдлагын сургууль	<ul style="list-style-type: none"> <li>• Англи хэл</li> <li>• Орос хэл</li> <li>• Түүх</li> <li>• Математик</li> <li>• Нийгмийн ухаан</li> </ul>	1-ээс 3-р байр
7	Хууль зүйн сургууль	<ul style="list-style-type: none"> <li>• Нийгмийн ухаан</li> </ul>	1-ээс 3-р байр
8	Завхан сургууль	<ul style="list-style-type: none"> <li>• Англи хэл</li> <li>• Математик</li> <li>• Нийгмийн ухаан</li> <li>• Орос хэл</li> <li>• Физик</li> </ul>	Оролцогч
9	Эрдэнэт сургууль	<ul style="list-style-type: none"> <li>• Англи хэл</li> <li>• Орос хэл</li> <li>• Монгол хэл</li> <li>• Математик</li> </ul>	Оролцогч


- МУИС-д элсэхийг хүссэн иргэн хүснэгтэд заасан бүрэлдэхүүн/салбар сургуулийн багцад бүртгүүлэх бөгөөд ЭЕШ-ын шалгалтын оноогоороо хяналтын тоонд багтан элсэх эрхээ баталгаажуулсан тохиолдолд МУИС-ийн оюутан болно. Элсэгч нь нэг жил суралцсаны дараа тухайн

<sup>4</sup> Монголын сайхан бичигтэн улсын уралдааны 1-ээс 3-р байрт шалгарсан ерөнхий боловсролын сургуулийн төгсөгчийг Шинжлэх ухааны сургуулийн Хүмүүнлэгийн ухааны салбарт шууд элсүүлэн суралцуулна.

бүрэлдэхүүн/салбар сургуулийн багцын бакалаврын бүх хөтөлбөрөөс мэргэжлийн хөтөлбөр сонгон суралцах бөгөөд цуглуулсан багц цаг, сурлагын дүн, анх элсэхээр тооцуулсан ЭЕШ-ын оноо өндөр байх тусам мэргэжил сонгохдоо давуу эрх эдэлнэ. Түүнчлэн зарим хөтөлбөрийн хувьд бэлтгэж буй мэргэжил, шинжлэх ухааны онцлогоос үүдэн оюутанд тусгай шаардлага тавина.

- МУИС-д элссэн оюутан нь өөрийн сонгосон үндсэн мэргэжлээс гадна "Хавсарга мэргэжил", "Хос мэргэжил"-ээр сонгон суралцах боломжтой. Жишээлбэл ШУС-д Физик мэргэжлээр суралцаж байгаа оюутан Бизнесийн сургуулийн Менежмент хөтөлбөрөөр хавсарга мэргэжил эзэмших боломжтой.
- Байгаль шинжлэлийн салбарын хөтөлбөрийг сонгон суралцаж буй суралцагчийн голч дүн 3.0 болон түүнээс дээш тохиолдолд сургалтын төлбөрийн 50 хувьтай тэнцэх хэмжээний тэтгэлгийг олгоно.

\*\*\* \*\*





МОНГОЛ УЛСЫН ИХ СУРГУУЛИЙН  
ЗАХИРЛЫН ТУШААЛ

2019 оны 06 сарын 14 өдөр

Дугаар А/290

Улаанбаатар хот

Бакалаврын өдрийн хөтөлбөрт  
2019 онд оюутан элсүүлэх журамд  
өөрчлөлт оруулах тухай

МУИС-ийн Дүрмийн 4.3.1 дэх заалт, Хөтөлбөрийн ерөнхий хорооны 2019 оны 05 дугаар сарын 24-ний өдрийн хурлын тэмдэглэл, Захиргааны зөвлөлийн хурлын 2019 оны 06 дугаар сарын 11-ний өдрийн хурлын тэмдэглэлийг тус тус үндэслэн ТУШААХ нь:

1. Захирлын 2019 оны 04 дүгээр сарын 05-ны өдрийн “Бакалаврын өдрийн хөтөлбөрт 2019 онд оюутан элсүүлэх журам”-ын бүрэлдэхүүн/салбар сургуулийн харгалзах суурь болон дагалдах шалгалт, сонгох боломжтой хөтөлбөрийн жагсаалт /хүснэгт 1/-д Хэрэглээний шинжлэх ухаан, инженерчлэлийн сургуулийн 2+2 хөтөлбөрийг нэмж, холбогдох өөрчлөлтийг оруулсугай.

2. Хэрэглээний шинжлэх ухаан, инженерчлэлийн сургуулийн хяналтын тоонд багтаан зохицуулалтыг хийхийг Сургалт, оюутан хариуцсан дэд захирал /Б.Очирхуяг/, Элсэлт, бүртгэлийн хэлтсийн дарга /М.Итгэл/ нарт үүрэг болгосугай.

ЗАХИРЛЫН ҮҮРЭГ  
ГҮЙЦЭТГЭГЧ



Я.ТӨМӨРБААТАР

334001677